

世界書局印行



景印
摘錄

四庫全書卷要

纂
第二
集
類

世界書局印行

景
藻
堂
印

四庫全書薈要

集
第
二
集
類
部
冊
三

本冊目次

書名及撰人	卷次	頁次
清獻集十卷 宋趙抃撰 文忠集一百五十三卷本傳一卷年譜一卷 宋歐陽修撰	卷一至卷十 卷一至卷四十八	三七〇一— 三七〇一—七三

欽定四庫全書薈要

集部
清獻集卷二

臣王杰詳校
詳校官助教臣常循



欽定四庫全書薈要

清獻集

提要

臣等謹案清獻集十卷宋趙抃撰抃字閱道
衢州西安人神宗時官叅知政事以爭新法
去位事蹟具宋史本傳此本詩文各五卷所
載多關時事其所論陳執中王拱辰疏皆七
八上可以知其伉直而宋庠范鎮亦皆見之

欽定四庫全書

清獻集
提要

彈章古所稱羣而不黨抃庶幾焉其詩諧婉
多姿乃不類其為人王士禎居易錄稱其暖
風芳草杜鵑寒食觀水五言律詩五首以文
彥博擬之故非過論殆亦淵明閑情之比也
此本乃仿宋嘉定本重刊前有陳仁玉序仁
玉字碧棲台州仙居人第進士開慶中官禮
部郎中歷浙東提刑入直敷文閣亦知名之
士云乾隆四十二年三月恭校上

總纂官臣紀昀臣陸錫熊臣孫士毅

校官臣陸費墀

欽定四庫全書

清獻集
提要

清獻集原序

開慶己未冬湖廣蠻興仁玉自講厦受遣馳至太末未至城里許見有表曰孝弟里者知為清獻趙公故所居也題顏漫漶門墀散傾惕然不自安顧雖倥傯亟遣葺之而以蘇長公所書扁刻之石心乃少安及邊遽既息頗誦公之遺文逸事而故府無傳焉嘻公為本朝第一流人此郡自生民以來亦未有如公之盛也一言一行後來者當尊奉以為標的而可闕弗著乎既乃訪得章

欽定四庫全書

清獻集
原序

貢所刊集本旁搜散軼以補足之刊成孟序所以刊之意仁玉竊惟天地之大曰誠而已誠則純純則久久則神金石可開也豚魚可孚也極而至於際天蟠地行乎君臣父子兄弟夫婦朋友之間甚通而順甚捷而疾人見其妙用無方不可以限量計即而察之則無以異於人也曰誠而已若公者其知識之所為乎凡所行之實于天者此也凡所言之實于君者此也人稱其孝於親忠於君清於身其美不可勝贅合而言之此誠也或曰

公之學多出於佛及得濂溪為僚而有聞焉宜於是焉
變矣而卒不變仁玉謂公之堅清超卓可以離塵絕欲
者偶與佛氏合至其發言制事立朝治郡之迹皆中度
合則守常達變非蔽於佛者之為也嘗試考濂溪措諸
用者觀之有以異乎蓋自濂洛教法未大彰明以前諸
公往往以其性之所近而有得於佛者固多矣不當以
是議公也因併著之景定元年八月郡守天台陳仁玉
謹序

欽定四庫全書養要卷一萬四千二百七十六

集部

清獻集卷一

宋 趙抃 撰

五言古詩 十五首

題邛州文同判官五箴堂

李唐韓吏部矯矯文宗師立言作諸箴勵世亦自規游
箴警情廢事業終光輝言箴慎囁囁張口觸禍機行箴
死所守於義無乖違好惡不悖理戒或私是非知名懼
浮實動主嫌怨隨五者日踐履要以君子歸與可知道
粹期至嚴奧窺誦已記所志礪石鐫其辭俾之揭堂上
使後亦勿墮夫人貴且富非得強自為入賢去不肯在
已不在時希韓亦韓徒中道無已而

次韻樊祖安秀才連理木

吾觀樊生者氣燄凌雲霄逢人肆議論芬馥蘭與椒去
年應秋詔入貢天子朝南宮擯不收歸迹如蓬飄長途
病憔悴舊里門蕭條今時賤未用無計逃誚嘲昨日升
吾堂出詩振瓊瑤自云世儒學其胄來遙遙異哉先冢

上有木名百寮一根初兩榦榦木仍駢交茂育三十稔
曷為風霜凋材奇固得地抱合勢已喬連理古所瑞於
義尤昭昭奚哉私門中福壽不可邀善祥既失効嘆惋
成長謠吾言異於是矧世逢虞堯力為君子儒進道勿
使消積德慶厥後斯木誠非妖

張景通先生書堂

志士博古今名賢日誦聖通則施所有致君翼時政窮
斯處巖野信道樂天命富貴貧賤間烏與一息競先生

欽定四庫全書

清獻集
卷一

二

抱獨奇不為席珍聘學易到深處研幾劇精靜書屋數
百椽寒松夾幽徑竹森瀟灑觀泉逗潺湲聽小人多謗
訾先生自吟詠其徒識所歸歸雅不歸鄭今時事薄惡
先生自醇正其徒知所入入賢不入佞憂樂以文救敵
邪以道勝先生終其為彼俗徒話病

過胡元賓林亭

我嘗輕歸轅一息快心目亭橋跨幽澗廡砌森怪竹榜
句多老詞襟風不韻俗開卷味加永照泉清可掬先秋

固爽塏大夏失煩燠樂哉於道外視此樂豈足

和范御史十一月三日見月

有客冬還吳孤舟暮亭潁山收亂霞彩天放新蟾影呼
童掛簾起對此清夜景橫琴弄流水醉耳誰其醒

過濠州呈前人

朝離石澗寺暮泊香山夾揚帆復順流快若兩翼插濠
州舊風物愚昔此承乏重上莊生臺如夢覺一霎

鬱孤臺

欽定四庫全書

清獻集
卷一

三

群峰鬱然起惟此山獨孤築臺山之巔鬱孤名以呼窮
江足樓閣危壓斗牛墟直登四臨瞰衆勢不可踰贛川
繚左右庾嶺前崎嶇望闕峙其後北向日月都人家雜
烟水原野周城郭烜潤或晴雨明晦或曉晡春榮夏物
茂秋肅冬林枯氣象日千變一一如畫圖比予去諫舍
乞此養慵愚事訛得以正俗瘵得以蘇歲豐盜穀息獄
冷冤繫無熙然與民共所喜朋僚俱中談有琴詠外喧
有歌飲樽罍有美酒盤飧有嘉魚優游一臺上四序不

暫辜乃知為郡樂况復今唐虞

題周敦頤濂溪書堂

吾聞上下泉終與江海會高哉廬阜間出處濂溪派清
深遠城市潔淨去塵瑩毫髮難遁形鬼神縮妖怪對臨
開軒窓勝絕堪圖繪固無風波虞但覺耳目快琴樽日
左右一堂不為泰經史日枕藉一室不為隘有葦足以
羹有魚足以鱠飲啜其樂真靜正於俗邁主人心淵然
澄徹一内外本源孕清德游詠吐嘉話何當結良朋講
習取諸兌

欽定四庫全書

清獻集
卷一

四

寄酌蔡州王陶正言

自顧愚無堪老大何所用得郡江湖來一意雲泉縱驚
此西南身連夕東北夢乃知故人念許與明月共荆書
一紙賢季諾千金重寄我瓊瑤篇使得長諷誦寒松有
唳鶴高梧有鳴鳳何日謝知音為鼓商絃弄

次韻江鉞都官涼軒

執已剛玉性誰得同趣向涕唾無所藉歸居宅深曠左

右山林間巔屹立屏障坐期清風來未許酷日晃高棚
立西軒密葉覆其上益為晚宇蔭詎隔霞空望聖書樂
名教俗事絕塵鞅恬然寵辱驚足矣庭闈養下榻遲佳
朋盈樽倒新釀藥劑矜有靈神明助無恙賢豪重出處
詞句大奔放謂愚可與道緘遺俾酬唱忽如窮窘人獲
發金玉藏收儲篋笥光孰顧貪憚謗

題三輔院

武陽夏侯氏參立鼎峙足秉鈞相三朝仗鉞帥全蜀茅
土當時榮照煥人耳目事業申意氣遺像儼壁屋

欽定四庫全書

清獻集
卷一

五一

游南山宿盤龍寺

盤龍得山名寺占山之下老師草庵居後嗣廣精舍禪
流日益盛寂照騰詩價我來誨其徒競以相誇詫少林
的的意一語獨無暇默然坐明窓孤蟾徹清夜遲曉登
終南行行與誰話

留題劔門東園

劔州古要害重門搃開闔隄防兩川地喉吭叱呀呬在

昔禦狂寇如朽施巨拉時平付良守一與公論合政成
治東園於焉解賓榻予方錦官去邀我置壺榼縱步車
馬休舉目蒼翠匝攄懷談笑喧傾車潺湲雜不春亦芳
菲匪風自蕭颯主賓飲興豪量海川酒納貳車臺中舊
題詩謂予盍默默極佳處茲俗何以答

贈陽安徐邁表兄屯田

少時所學苦食蘖日自強壯歲從宦清飲水中剛腸陽
安百里地邈在天一方惠政不鞭扑斯民樂耕桑念予

欽定四庫全書

清獻集
卷一

六

昨守顓與兄會家鄉兄今歲已滿余遽提蜀疆一朝此
邂逅五載忘參商且勿語離索易老驚鬢霜且勿較通
塞放懷把酒觴上方聖政新求賢坐明堂兄道足施設
兄志彌頡頏喜予外祖門從此生輝光

雙竹

余家有故園園中可圖錄天然一派根一根生兩竹一
長復一短比之如手足長者似乃兄短者弟相逐我見
人弟兄少有和睦竹分長幼情人豈無尊宿將竹比

人心人殆類禽畜常記五六歲不見還啼哭及至長大
時妻孥相親族咫尺不相見相疎何太速不顧父母生
同胞又同腹旦夕慕歌歡幾能思骨肉枉具人鬚眉而
食天五穀靜思若斯人爭及園中竹

七言古詩 十五首

次韻孫直言九日登龍門山

皇祐二年秋九月九日龍門遇佳節新都大夫孫隱之
報政優游共民悅升山高會賓主俱滿頭黃菊泛茱萸

欽定四庫全書

清獻集
卷一

七

遙開醉眼極千里身高氣爽胸懷舒逢時感物以次發
詩成落落傾瓊珠初言府政好太守化行歲稔民力蘇
喜聲協氣邀以狂稚子負老者扶又言登臨風景異
澄川秀野如披圖殊方真賞到奇處未來空只誇江湖
得之獨善不在己遠遣遺我開煩紆嗟我江原亦民長
周遭百里平如掌簿書役役甚因拘聞有岷峨無計上
及聞治邑茲山奇脚力不到神魂馳誰知我亦好山者
篋中時復觀君詩

送周穎之京師

吾鄉伯堅真丈夫氣剛色強言詞疎胸中一物不使有
日儲月斂唯詩書布裘落魄帶緩權門不肯低眉趨
朋游累百誰爾汝人皆不與爭擲揄掩關啜菽苦意氣
糞壤玉壁泥沙珠宣慈中山我孤處昨日走介貽吾書
書云詔下籲俊又父兄命穎之京都古人求養志擇祿
今而豈得逃馳驅肩書手劒出門去嚕咨肯復兒女如
我聞此語涕交下人皆欲養繫我無羨予之為與道合

欽定四庫全書

清獻集
卷一

八

勸子亟往無踟躕明年得志拜堂上豈非人子榮親歟

贈冲妙李先生

老君作經五千言勤行大笑亡與存先生有詩七百首
詔書三度來天門年登八十齒髮壯骨輕步武如雲奔
一琴一樽一爐藥人間日月從朝昏

酌張唐英

方子讞獄唐安歸火雲熾日交炎威爐烘炭赫幾千里
百鳥不能凌空飛塵埃簿牒几前滿膚汗如雨淋漓揮

俗官冗狀紛不省胸腹堙鬱氣力微蟾宮有客桂新折

忽遣詩筒憫慵拙詞佳句好吟未窮一坐涼飈奪炎熱

和范御史見贈

我趨仕途三十春硃矸求友難其人相逢採取百一二
庶幾不泯磨功名或言同途行異徑或始卓犖終因循
或臨利害失趨向或走勢利遺賤貧或面盱眙背忌刻
或口仁義心頑嚚或名公卿節屠隸或實盜跖文孟荀
澄川條忽起波浪平地咫尺生嶙峋黃蘗蘭芷逐蕭艾

欽定四庫全書

清獻集
卷一

九

玷顛瓊玖俄砒砒茲事自古慎所與傾蓋如舊白頭新
仲尼評友戒損益故嘗佩服書諸紳履中蹈道敢不勉
至愚所恃生逢辰朝廷基局要扶助天子堯舜聖且仁
焦勞汲汲納讜議風憲思得御史真翰林鉅公不識面
誤以愚者名上陳至和政元秋九月詔書曉落長淮濱
孤貧自省預臺選無意顧藉家與身直期賢用不肯斥
忠邪路判如越秦頻章累疏辨得失上前往往嬰龍鱗
時吾貫之日聯句玉樹欲使薰葭親為憐出處共本末

未始氣味殊甘辛忠言鯁議必我聞開誠待我逾天倫
螭頭連登拜白簡豸角對拱朝紫宸雕盤隼擊雪霜凜
豺狼奔北窮狐兇九重上報不惜死豈復護口防狴狴
避嫌歲滿體當去東南亟請辭天闥俞音分得郡印綬
毗陵地與桐廬隣潁清淮淶榜舟過橘黃酒白鱸魚珍
兒童共遊競嗟賞閭里故老相歡欣皇恩過家許上冢
我輩榮華事欲均得公長篇三四讀正似觀海無涯垠
測量不可何以報贈公歲久如松筠

欽定四庫全書

清獻集
卷一

十

順風呈前人

濠州抵泗里數百長淮波平曉如席鳴鼙解絳楊柳堤
畫船中有東吳客君恩得請許歸去聊治里閭去咫尺
歲窮天遠心欲飛念之汲汲事行役豁如天意適我願
號令西北起風伯初時淅淅以鼓動布帆尚留十幅窄
孤檣得勢安以平中流激箭巨浪擘篙橫櫓閣力不用
疾若鷲隼增羽翮瞥然兩岸瞬雲過木葉馳黃山走碧
拏舟月餘今日快一樽自歌兩手拍樽中酒空不自歌

順風好景如之何毗陵太守同此樂為言無惜新詩多
入顓聞曉角有作

江南歷盡佳山水獨顓潯潯三百里移舟夜泊皇恐灘
畫角烏烏曉風起棲鷗宿鷺四散飛夢魂驚入漁樵耳
三通迤邐東方明又是篙工造行矣橫波利石千萬層
板繩縛類如山登夷途終致險且升自顧忠信平生憑
將至太和寄蔡仲懷太博

我憶去年仲冬月夜醉離樽曉船發瑟瑟畫鼓上窮江

欽定四庫全書

清獻集
卷一

十一

章貢川源接南粵虔州之民十萬家下車公事亂如麻
去除煩苛養疲瘵未幾訟簡俗亦嘉農事屢登稻梁積
獄犴空虛寇衰息遠服安堵幸實天闕然自愧予何力
邇來被旨還神京乘秋擊棹烟波行夷猶入境奚所喜
故人樂土絃歌聲

答閬州通判吳師孟職方

閬州之景天下奇嘗見老杜城南詩嘉陵江湍清且潔
錦屏山疊雄復巖醉翁生鍾大我秀收拾氣象為文詞

自從屏星副郡治訟平事簡奚設施幽潛穹大極所有
搜羅詠賦一不遺川僚俊集嘉酬和海濤洶湧洪波隨
顧余不鄙可語者聯編累軸緘以貽寸珠盈掬破冥晦
尺壁入手無瑕疵窮搜囊篋暴侈富開窺秘圖心驚嬉
竟微一毫報佳况臨紙復輟漸久之

訪何若谷

君愛仙源壓塵俗高樓對起欄干曲朝霞灼灼浮晴暉
二十四峰照群玉樓下長江烟水綠樓前有瀨歸艤促

欽定四庫全書

清獻集
卷一

十三

主人借問何時還回首崢嶸看不足

次韻僧重喜聞琴歌

我昔所寶真雷琴絃絲軫玉徽黃金畫橫膝上夕抱寢
平生與我為知音一朝如扇逢秋捨而今只有無絃者
無情曲調無情聞浩浩之中都奏雅我默彈兮師寂聽
清風之前明月下子期有耳何處聽自笑家風太瀟灑

遊金華洞

子房身乞辭大用赤松伴遊世所重高遠誰親弋外鴻

尊榮肯羨池中鳳至今仙迹存金華我來一日登三洞
回頭却笑長安人辛苦登天憑鶴控

題衢州唐臺山

唐臺壓郡東北陞勢旋力轉奔而馳偉哉造物誰其尸
一山中起高巍魏群峰環輔拱以立背面肘腋相倚毗
怪石差差少媚色長松落落無邪姿巖隈有路數百仞
直登不悔形神疲中間軒豁浮屠舍棟宇綵錯金壁輝
寒泉一泓清可鑑優游鱸鮓揚鱗鬣猿閑鳥暇兩呼笑

欽定四庫全書

清獻集
卷一

十三

老僧矍鑠趨且嬉天風烈烈骨毛疎更云六月無炎曦
攀緣絕頂下四顧溪山百里如掌窺我思宜有隱君子
放心不與時安危巢由之行已高世白雲卧此逃堯姁
寄酬梓路運使趙誠度支

喜君出使東川行臘寒擁雪辭神京平生忠力晚愈固
萬山叱馭險亦平清泥嶺惡白晝上更逢落雪百尺盈
盤高折下寸寸進馬蹄硯人膽驚君懷初不阻倦險
却念疆土連錦城謂予嘗有一日雅豪吟縱筆高泉傾

三章落落字字好開緘與雪爭瑤瓊置郵亟來發以誦
齒牙冷切胸懷清豈徒感用為文字所得風義推誠明
今君東轅我西守去此止有數日程兩川春物正爛熳
何時文酒親講評

謝曾魯公惠維摩居士真

問答衆口徒紛紛爭入菩薩不二門金毛獅子不敢吼
不嘿不見維摩尊維摩之尊無異相潞州傳出毗耶像
相公付與知非子掛向壁間看榜樣

欽定四庫全書

清獻集
卷一

十四

清獻集卷一

欽定四庫全書薈要卷一萬四千二百七十七

集部

清獻集卷二

宋趙抃撰

五言律詩一百四首

暖風

薄袂歌雲散輕盤舞袖低簾疎蕩樓閣暗逐輪蹄絮
亂垂楊道香流種藥畦春窓惱春思一枕杜鵑啼

芳草

翠密馴文雉叢深隱畫輪離披金谷曉寂寞茂陵春古

欽定四庫全書

清獻集
卷二

一

渡班荆客長堤走馬人芊芊似袍綠一雨一番新

寒食郊園即事

城郭青烟散郊園彩日長鬪雞紅錦翅游騎紫絲韁有
蝶俱含粉無人不惜芳儘拚花下飲歸去醉成鄉

杜鵑

響亂書窓外人驚夢枕中江城啼曉月澤國慙春風柳
道盤飧綠桃園踐蹂紅年年來此地留恨任西東

溪山晚目

幽花連徑發驚鳥避人啼雨過晴虹上風清走馬嘶灘
平魚艇穩村小酒旗低誰及山翁樂號啾醉似泥

村居

午寢忘譏刺閒居杜送迎雨泥雙燕下烟壠一犁耕座
入山光迴門連野色平吟餘仍兀坐誰與戰楸枰

曲館

日華烘玉楚烟縷巨雕甍棗熟房櫳暝花妍院落明醉
輕春有味夢短晝無情欲識惜惜意回文織已成

欽定四庫全書

清獻集
卷二

二

題九仙寺

墜果春三徑蒸雲晚一軒廊腰回戰蟻山腹合啼猿泉
淡禽窺影苔深屐印痕自慚名利者聊免世紛喧

贈吉安院主

學佛之徒衆難能是向文唯師獨奇尚於我故慇懃詩
遇知音誦琴防俗子聞虛亭對明月長許到宵分

先與祠嶽續以權市征弗克往呈通判沈侯

壯懷成倥偬從事愧風流且權征門利甘同倚市羞搖

心隨使旆極目望仙舟青玉靈壇遠終朝接上遊

沈侯見和再次前韻

舉目皆仙迹齋心遠俗流江山入詩助蘋藻為神羞去
矣登危嶠歸仍泛穩舟何勞嘆蕭索無惜話真遊

和沈侯叙別往祠嶽

席上歌驪闕風前嘶馬驕恣恣傾桂醕一一上蘭橈破
浪欣無恙依蓮愧不憐踟躕重回首雲翼自扶搖

言懷寄三兄

泔牒非吾土逢春憶故園于今佐屏帳經歲別鵠原訟
簡仍開卷時平且屬鞬江鄉去千里凝睇一銷魂

送石秘校

擊汰泛輕舲離懷莫共傷去投方朔牘歸曳老萊裳在
昔名尤重于今道已光此行有新集一一錦裁囊

和何節判觀水

澄江抵練長極目路滄茫烟芷差差綠風荷柄柄香西
流終古恨南浦鎮時忙擬待傳辭意離人在楚鄉

欽定四庫全書

清獻集
卷二

三

和蔡黃裳節推外邑見貽二首

只應登雪嶠疑是有丹梯
雨後千山秀風前一笛嘶
平時空執弭樂土不鳴犢
目斷依蓮客君東我自西

又

冉冉成輕別遲遲想倦遊
去應寬蕙帶行亦佩吳鉤
訪隱逢三徑尋真認十洲
有人頻倚望何日大刀頭

和三兄見寄

棣萼遙南國萱枝種北堂
雪音何處斷風翼自回翔
送目吳天闊傳辭楚水長
通宵識歸路惟夢到吾鄉

江上白樂天祠

我愛白司馬有言來謁祠
才名千古照忠義一生奇諫
切寧思祿讒行却罪詩如何
江上客唯道琵琶詞

有虎

有虎競磨牙逢人事攫拏
夜聲聞別塢曉跡印平沙
迫路奔驚犬藏林噪亂鴉
過舟無可奈極目是薰葭

留魚

生涯留一架深浦勢并蕙
張目因知密游鱗不漏纖
急收防力跳輕語怕驚潛
持去全家樂盈盤鱸縷甜

歲暮感懷

早是窮冬逼那堪客思兼
事嗟流水遠年愧入春添
與雪幸同操驚霜忽到髯
晚舟前浦泊何處有青帘

寄任大中秀才

今我歲將暮過橈鸚鵡洲
憶君人少與買舍潯江頭
客路書多絕吾鄉夢半遊
明年誰到蜀能寄好音不

向晚

向晚立汀沙人閑目更賒
林疎僧屋露風轉客帆斜
幽白孤飛鳥橫紅數抹霞
漁翁偶相問憐我宦天涯

又和三兄見寄

鄭重流芳信慙慙慰遠官
已欣懷袖滿仍覺齒牙寒
置速傳辭易人遐結會難
側身東望久離緒轉盤桓

送鄒舜咨回鄉

經歲別親闈于今詠式微
捐繻成後約拭袂重言歸
脫

葉迷官道酸風中客衣新文滿珍筭去去有餘輝

送余林二生赴舉

並遊攀逸軌兩喜擅佳聲鵠志一千里鵬圖九萬程青雲今共上白水舊齊盟聖主君堪羨連鑣去策名

送李運使學士赴闕十詠

懿識本天資長才繼者誰漕舟逾萬計實廩近千斯入境喧輿頌還鄉結主知上方思柄用何惜告謀惟

又

欽定四庫全書

清獻集
卷二

六

下士無虛坐摛文有話言鎮浮賢者業襲慶相君門按部行車樂瞻天被詔溫只應朝請日三接渙宸恩

又

睿東從朝議僉俞協帝疇受釐延賈傅給饋美鄴侯會府居功最朝廷錫命優思皇今在旦歸去贊宸猷

又

壓境號民蘇連薨競樂輸萬箱豐歲計一節赴朝趨安穩舟無恙雍容騎甚都贈言聊紀盛為頌愧非夫

又

傳網聯世美振玉擅家聲南楚聊均逸東臯亦勸耕察庶無遁物刺舉有能名宣室今前席寧庸羨賈生

又

早擅雲間譽嘗登月裏名十輪門襲慶萬石世傳榮待繼開賓閣聊為擁使旌績成今第一歸作漢公卿

又

荆衡此駕輅封郡去相遼國庫矜流衍農疇喜富饒幾

欽定四庫全書

清獻集
卷二

七

時無協氣何處不謹謠漢室通糧道論功最後蕭

又

南榮來漢詔北闕近堯天懿績隆三歲豐儲備九年威嚴多摘伏薦籍幾登賢去去民思甚銷魂盡黯然

又

歌闕散雕筵膺舟是謫仙秦亭臨斷岸楚水浸遙天魏闕瞻湖上長安指日邊綵旂隨目遠一向立風前

又

供帳楚江濱。瞻言淚滿巾。如何從事客。曾作受恩人。再
顧溝中物。尤慚席上珍。異時調鼎鼎。應許與陶鈞。

和戴天使重陽前一日宿長沙驛二首

詰旦逢佳節。今宵寓遠鄉。且欣賓榻解。休歎客亭長。黃
葉臨風亂。紅萸浥露香。酒徒何處所。空自憶高陽。

又

楚館夜衾涼。離人念故鄉。遠吟只覺苦。歸夢不成長。壁
有寒蛩怨。鄰聞綠蟻香。登高在何處。明日宴山陽。

欽定四庫全書

清獻集
卷二

聞楊旼病愈

湖南楊叔武消息有人傳。連歲征蠻徵經秋。卧瘴烟為
時天未喪。勿藥病還痊。雲水溶溶去。憑詩寄此篇。

入蜀舟中逢春

春到依羈旅。懷開似發緘。野禽鳴勝管。春草綠於衫。水
暖風微碎。山明日半銜。巴西寒極地。冰雪尚千巖。

入蜀江上對月

照不私毫髮。波光上下浮。明餘到琴淡。清極入詩幽。忽

認江湖畫。渾疑天地秋。閑雲勿輕蔽。有客坐孤舟。

春日陪宴會春園亭

為怕三春過。因謀數刻狂。醉輕欣射中。歡甚惜歌長。躡
馬花間繫。啼鶯柳下藏。前旌歸去晚。十里淡風光。

月夜聽僧化宜彈琴

蜀國有良工。孫枝斲古桐。逢師寫流水。為我益清風。淡
恐時心厭。幽慙世耳聰。坐來明月滿。無語訟庭空。

送蜀守賈昌朝水部赴闕

欽定四庫全書

清獻集
卷二

九

名節下英藩。歸轅望帝閭。中和刺史政。孝友相君門。去
聽塗歌美。留瞻壁像尊。欲知春色好。元是百城恩。

送曾文屯田赴闕

治多祥氣感。公為三江邑。有甘露靈芝。瑞草之異名。可信書褒詩。有千篇。

富才為兩蜀。豪任誠時少。與敦義世推。高劔棧芳菲地。

公行我亦勞。

和范御史初出都門

牘奏辭三院。鄉榮領百城。帝恩山嶽重。臣命羽毛輕。風